

Na osnovu člana 41. Statuta Grada Sarajeva („Službene novine Kantona Sarajevo“, broj 7/23), gradonačelnica Grada Sarajeva objavljuje

JAVNI POZIV

za sponzorstvo Javnog dočeka Nove 2025. godine u Sarajevu

Grad Sarajevo poziva zainteresirane pravne subjekte sa sjedištem u Bosni i Hercegovini za dostavljanje **Pisma namjere za sponzorstvo Javnog dočeka Nove 2025. godine u Sarajevu i zaključivanjem sponzorskog aranžmana s Gradom Sarajevom.**

Javni doček Nove 2025. godine bit će organiziran na jednoj od odgovarajućih (centralnih) lokacija na području gradskih općina.

Sponzori mogu biti:

- GENERALNI - s najvišim novčanim iznosom,
- ZLATNI - s iznosom od 100.000,00 KM i više,
- SREBRENI - sa iznosom od 80.000,00 KM do 99.999,00 KM,
- BRONZANI - sa iznosom od 50.000,00 KM do 79.999,00 KM,
- SPONZOR - sa iznosom od 20.000,00 KM do 49.999,00 KM.

Ugovor o sponzorstvu uključuje:

- reklamiranje i javnu promociju sponzora prije i za vrijeme održavanja manifestacije „Javni doček Nove 2025. godine“,
- apliciranje logoa Sponzora na plakatima, flyerima i ostalim printanim promotivnim materijalima koje Grad distribuira ili objavljuje u svrhu promocije Javnog dočeka;
- apliciranje logoa Sponzora na materijalima koji se objavljuju na digitalnim kanalima Grada (zvaničnim profilima Grada te web stranici) u svrhu promocije Javnog dočeka;
- apliciranje logotipa Sponzora na video materijalima te spominjanje imena Sponzora u audio materijalima koji se javno emituju u svrhu promocije Javnog dočeka;
- aplikacija logotipa na oficijelnim online komunikacijama događaja (baneri na portalima i stranicama te Google oglašavanje);
- spominjanje imena Generalnog i Zlatnog sponzora od strane predstavnika Grada u svim javnim istupima, uključujući PR tekstove i intervjuje, a koji za temu imaju promociju Javnog dočeka;
- Press konferencija najave sponzorstva/partnerstva manifestacije od strane Generalnog sponzora;
- brendiranje VIP prostora u dogovoru s Gradom te u skladu s propisima;
- Na dan Javnog dočeka istaknuti Generalnog sponzora na način koji ugovorne strane procijene da je najprihvatljiviji;
- Omogućavanje sponzoru promociju manifestacije kroz PR aktivnosti;

- Mogućnost učešća Generalnog i Zlatnog sponzora u radu Odbora za organizaciju Javnog dočeka Nove 2025. godine.

Sponzorstvo ne može biti manje od 20.000,00 KM.

Ukoliko se prijave dva ili više ponuđača s istim, najvišim novčanim iznosom iz kategorije ZLATNOG sponzora, status GENERALNOG sponzora dobit će ponuđač koji na licitaciji ponudi najviši iznos. Licitaciju će organizirati Grad Sarajevo i poduzeti sve radnje da se ona organizira i pozovu kvalificirani ponuđači. Konačni licitirani iznosi bit će sastavni dio sponzorskog ugovora.

Ne može biti više od jednog sponzora iz iste kategorije. U slučaju da konkurira više sponzora iz iste kategorije poslovanja, ugovor će se zaključiti sa sponzorom čije je finansijsko učešće veće. Ukoliko budu utvrđeni isti novčani iznosi, izbor će se izvršiti licitacijom na način i u postupku kako je obrazloženo u prethodnom stavu.

Ugovorom o sponzorstvu preciznije će se urediti prava i obaveze ugovornih strana.

Pismo namjere mora sadržavati iznos koji sponzor namjerava uložiti u sponzorstvo.

Grad Sarajevo zadržava pravo da ne zaključi ugovor o sponzorstvu s ponuđačem za kojeg se utvrdi da njegova poslovna politika nije u skladu s poslovnom politikom Grada Sarajeva.

Gradonačelnica Grada Sarajeva će imenovati Komisiju koja će izvršiti analizu prispjelih ponuda, poduzimati sve radnje do okončanja postupka utvrđivanja statusa sponzora i podnijeti izvještaj o svom radu.

Odluku o prihvatanju sponzorstva će na prijedlog gradonačelnice donijeti Gradsko vijeće Grada Sarajeva.

Pismo namjere s obrazloženjem zainteresirani mogu dostaviti **najkasnije do 01.05.2024.** uz naznaku

Pismo namjere za sponzorstvo Javnog dočeka Nove 2025. godine

Na adresu:

**Grad Sarajevo
Ćemaluša 9, III sprat
71 000 Sarajevo**

ili elektronskim putem u skeniranoj formi koja je potpisana i ovjerena, na e-mail adresu grad@sarajevo.ba, uz naznaku **Pismo namjere za sponzorstvo Javnog dočeka Nove 2025. godine.**

Javni poziv će biti objavljen na službenoj web stranici Grada Sarajeva, a informacija o Javnom pozivu bit će objavljena u dnevnim novinama „Dnevni Avaz“ i „Oslobođenje“.